

中國近代史資料叢刊

第五種

中日戰爭

第五冊

主編

中國史學會

編者

邵循正 聶崇岐 張雁深 孫瑞芹

張蓉初 林樹惠 段昌同

新知識出版社

一九五六年·上海

中國近代史資料叢刊
第五種：中日戰爭
(第五冊)

*

主 編
中 國 史 學 會

編輯委員

徐特立 范文瀾 翦伯贊 陳 垣 鄭振鐸
向 達 胡 繩 呂振羽 邵循正 白壽彝
編 者

邵循正 聶崇岐 張雁深 孫瑞芹
張蓉初 林樹惠 段昌同

*

新 知 識 出 版 社 出 版

(上海湖南路9號)

上海市書刊出版業營業許可證出015號

上海春明印刷廠印刷 新華書店上海發行所總經售

(全書七冊)

開本：850×1168 1/32 印張：16 3/16 插頁：4 字數：374,000

1956年10月第1版 1956年10月第1次印刷

頁數：1—2,000 本

統一書號：11076·60

定 價：(9) 2.00 元

中日戰爭第五冊目錄

正編中(一下)

一	張文襄公全集	張之洞撰	一
二	許文肅公遺集	許景澄撰	一五
三	盾墨拾餘	易順鼎撰	一七一
四	犢鼻山房小稿	劉 侃撰	一八
五	周盤愼公全集	周 馥撰	二〇八
六	袁世凱等致李鴻藻稟牘	袁世凱等	二二五
七	澗子集	張佩綸撰	二三四
八	塵牘叢鈔	姚錫光撰	二三三
九	惺惺齋存稿	喻長霖撰	二五一
一〇	復庵遺集	許 珏撰	二六〇
一一	瓢庵集	曾 廉撰	二六六

一二	馬中丞遺集	馬丕瑤撰	二六八
一三	清芬閣集	朱采撰	二九〇
一四	桐城吳先生全書	吳汝綸撰	二九六
一五	鎮亭山房詩文集	陸廷黻撰	三〇五
一六	後樂堂集	陳玉樹撰	三〇八
一七	頤園書牘	李本方撰	三二〇
一八	于湖文錄	袁昶撰	三三三
一九	中東戰紀本末(文牘)	蔡爾康輯	三五二
二〇	普天忠憤集	孔廣德輯	四八六
二一	聞塵偶記	文廷式撰	四九五
二二	庚子西狩叢譚	吳永撰	五〇〇
二三	萇楚齋隨筆	劉聲木撰	五〇二
二四	朱強甫集	朱克柔撰	五〇八

一 張文襄公全集

張之洞撰

電 牘

劉制台來電

光緒二十年五月二十二日亥刻到

接傅相電：「日本調重兵至朝鮮王京，脅議善後，并謠稱將用兵入長江內登岸——自係恐嚇之言，姑密布聞，祈飭各將嚴防」云。雖係謠傳，究宜預爲籌備。敵處已電知沿江文武水陸各軍一體嚴防，并飭滬道隨時探報，合電聞。坤。養。

致臺北唐藩台

光緒二十年六月初八日未刻發

支電悉。懸念之甚。來電「俄」艦是否「倭」字之誤？俄甚持重，必不遽與我衅，我亦必不輕與俄絕，臺但防倭耳。此間械輪均極陋，內地新勇到臺亦無用；南洋及粵軍械及船不少，當可商借。請酌之。尊處槍彈機每日總可出一萬數千，近年尙隨時製造否？此時如運軍械，官船商船均可，倭不敢阻。鄙人處此陋區，力不能助，愧歎萬分，祈鑒原，并轉達筱帥。庚。

唐藩司來電 光緒二十年六月初九日申刻到

兩電謹悉。「倭」誤作「俄」，其艦未見來。南洋撥一兵輪、一運船，鎗與彈極力借購於滬市滬局，差敷衍。臺局彈機加倍造，日一萬有奇。募內地勇及士勇四十營，一月可齊，合舊營雖尙單，布置粗備。勞公蠶慮，惶感交深。崧叩。

致天津威道台 光緒二十年六月二十日戌刻發

效電悉。日來情形若何？內意及傳相意若何？彼使尙在京否？祈密詳示。號。

威道來電 光緒二十年六月二十二日午刻到

上主戰，派翁、李會議，內外臣尙合拍。惟倭勢猖獗，不受調停，恐弄假成真。使未下旗。宣稟。箇。

致東京汪欽差 光緒二十年六月二十日戌刻發

倭事日來作何動靜？實情如何？請撮要電示。號。

汪欽差來電 光緒二十年六月二十三日酉刻到

倭增兵分布，冀抗我師；實則迫於黨議，欲退不得。藻。碼。

致總署

光緒二十年七月初八日午刻發

據漢口美領事照稱：奉該國公使電，寓華日本商民歸該領事管理等語。查洋報載中國寓日商民亦託美領事照料，如果屬實，自不能不允。似須訂明日人現寓租界者方歸管理，仍嚴禁私入內地，以杜奸細。候示遵行。齊。

總署來電

光緒二十年七月初九日亥刻到

齊電悉。美國保護安分倭人，及中國嚴查倭人改裝薙髮，業於初四、初七日咨會在案。倭商不能入內地置貨，現既開衅，游歷照自應停發。惟美國保護不分租界內外，但問倭人安分否耳。祈查照前咨辦理。至各國商民教士，尤望切實保護，勿令別滋事端。佳。

致欽州馮督辦

光緒二十年七月初八日酉刻發

閱申報，知公因倭人啓衅，致書李筱帥，願率所部征討等語；忠壯之忱，曷勝欽佩！公如精力強健，願以征倭自任，即請速示，弟當代爲上陳，請公率數營來鎮江督辦江防。鎮江乃長江門戶，關係大局，恰是公當年立功之地，威望頌聲，至今赫赫。近年象山、焦山均建有礮臺，設巨礮，防營亦不少，朝廷甚注意江防。公如到彼，軍心士氣自必益壯。長城之任，非公而誰？是否能來？望速電復。庚。

馮督辦來電 光緒二十年七月初十日酉刻到

致書筱帥，無此事。公欲材督師鎮江，足見公忠，欽感實深！但此事不可行，請勿上陳。材前在鎮江督師，係當危急，不得不勉力圖報。現承平，惟楚人可任，他人督師必呼應不靈。材。佳。

致天津威道台 光緒二十年七月初十日亥刻發

劉毅帥足疾恐難出；宋德鴻已衰老，其營久疲，零星分節各縣，只能彈壓糾私；皆係湖北土人，未習戰陣，無一淮勇，現募烏合，去亦無益。現擬奏派吳軍門鳳柱帶現有馬隊三營赴津聽用，請轉稟傅相以爲然否？卽候示復。蒸。

威道來電 光緒二十年七月十三日辰刻到

今有電旨調河南、山西各軍，憲台先派武毅五百人，朝廷嘉悅，傅相感慰。惟人數太少。吳提督素能打仗，能否增挑步隊一千人，星夜北馳？鄂募補甚易。至於餉項，暫時鄂籌較得體；若久駐，可抵京餉。乞酌。宣叩。文。

致襄陽吳提台錫道台鳳字馬隊三營營哨官甯都司等 光緒二十年七月十四日申刻發

津防需營甚亟，經弟會中丞電奏，以貴軍門淮軍宿將，擬請帶馬隊赴津。十二日奉電旨：「張之洞奏飭派吳鳳柱帶馬隊三營五百名，馳赴天津，聽候調遣；著照所請行。欽此。」該道迅即飛調馬隊三營，帶齊軍裝馬匹，限五日內齊集郡城，由貴軍門統領，星馳赴津。先帶三月餉項，迅由襄樊附近各釐局撥足。統領公費無多，茲籌撥三千金帶往備用。提督印交中軍封固，代印代行，緊要公事隨時請示敝處辦理。貴軍門現在酌帶空白文書若干件，以備暫用。統領關防，或目前即自刊應用，或到北洋請李相刊發，請酌之。馬隊中營營官劉恩榮調省，另有差遣，該營官即由貴軍門選派。其餘各哨官有不願北行者，即另選派。事機緊急，調營及起程須於十日內兼程前進。軍火但儘現有者帶往；北洋精械甚多，自能應付。除咨行外，貴軍門督飭飛速照辦，毋稍遲逾，并將辦理情形先行電復，該道并電復。願。

致天津盛道台 光緒二十年七月十六日午刻發

元電悉。海軍此時是否回威、旅？敵船何往？左、衛、馬諸軍接仗否？吳軍門誠健將；惟素帶淮、徐、豫、東之勇，如添步隊，到津後應請傅相酌度飭辦，或電飭其一面派弁往募，此間無北勇也。前聞傅相有賊英以兵力脅倭之策，此誠奇計，何以中止？務請密示其詳。此時尚能就此設法否？我戰艦過少，倭海面游行，我處處防警，軍火餉項日久難支。此時若得外洋爲助，雖餌以重金亦爲得計。傅相素能駕馭諸番，有何妙策，祈密示。諫。

致總署 光緒二十年七月二十三日申刻發

江漢關稅務司穆和德稱：「日本無理占踞朝鮮，狂悖殘暴。其擊沉高升英船一事，尤爲英人所切齒，英廷必不干休；作何動靜，目下尚未定議。而日本則賄屬各洋文報著論，曲爲解說，顛倒是非，一若其曲全在中國者，最足惑人聽聞，中國不可漠然置之，不爲辨正。英爲君民共主之國，日報之議論實能動人公憤。擬請鈞署電稟星使，速延英國文人著論，刊入英京泰晤士日報，聲數日本占踞朝鮮之罪；其擊沉高升輪船，實屬藐視英國，以激動英人公憤。須趁英廷未定議辦法之前，刊印方有益處。英廷辦理此事，略輕畸重，全視公憤爲轉移。使英有切責日本之言，日人自不敢肆無忌憚」等語。所陳不爲無見，謹據情電達，請裁酌。漾。

致總署 光緒二十年七月二十六日酉刻發

倭人難髮改易華裝，潛入內地，探我虛實，專作奸細；事未敗露，難辨其爲安分與否，最爲隱患。近日疊接南洋來電，鈞署來咨，當經嚴密飭查。二十四日未刻，有倭人難髮改易華裝，在漢口租界外行走。營勇向前盤詰，正欲查拏，該倭人即持刀抗拒，避入租界。英、美領事不肯交出，謂係日本安分人，即時護送其登輪往滬。既係安分，何必改裝？情弊顯然。擬請鈞署知照美使，日本人現在中國無論是否安分，不准難髮改用華裝。如查有華服倭人，即照奸細拏辦。切囑美領事不得祖庇，庶免混迹內地，洩我事機。宥。

劉制台來電

光緒二十年七月十八日未刻到

滬道電：「倭人在滬向設有日清研究所，約七八十人，五月以前陸續散去，聞多改作華裝及僧服者，分赴北京、津、煙、江、浙、蜀、鄂、閩、臺各處，蕪湖尤多」云。請飭屬一體查拏。坤。嘯。

致俄京許欽差

光緒二十年七月二十八日已刻發

倭事日急，重兵東征。聞渠欲以大枝陸軍內犯北洋。尤緊要大患，是無軍火，宣戰過速，無從購買。聞德國不禁軍火出口。望閣下與各廠設法密商購毛瑟二萬枝、彈千萬、六七生車礮百尊、藥彈二萬出，由德國徑運至廣東省城，將來由粵省內河水運，由贛水至九江，由衡湘至武昌，均可再陸運北上；雖遲，卻可必到。重價不惜，新舊不拘。如議有辦法，當奏撥的款。切懇速籌示復。儉。

致天津威道台

光緒二十年七月三十日戌刻發

本日電悉。因電旨催吳、魏甚急，旨又云北洋各口須添兵，故疑倭有內犯消息耳。北洋添兵係筭何處？傳相必與閣下議及。近日陳湜、程文炳、魏光燾皆驟募多營，內意欲遣赴朝鮮乎？抑防北洋乎？宣化鎮王可陞尙健否？何以未議用此人。敵處所舉張、潘兩鎮及蔣、丁、覃三鎮不知已調幾人？祈速示。尊處能設法與洋行商密購軍火否？卅。

盛道來電

光緒二十年七月三十日申刻到

倭添兵皆赴韓，三面海口有船或守或游水路，布置甚密。其謠言內犯，意在牽制，似無餘力及此。宣稟。

又

光緒二十年八月初三日午刻到

旨催各軍，俱爲援朝。北洋各隘已招募填紮，不留客軍。王可陞帶練兵亦赴韓。憲保張、潘已調，因相距太遠，奏緩。洋軍火能購，而運費太鉅。宣稟。

致臺北唐藩台

光緒二十年八月初三日巳刻發

東電悉。布置密速，佩慰。三十萬購械，並不爲多；惟增五十營餉仍可支，此則尤佩籌矣。臺防總須作一年計。就地籌捐尙易否？臺防喫重者幾處？倭向來必仰給臺米，此時禁米確能困彼否？劉淵亭到臺否？帶若干人？祈示。沃。

唐藩司來電

光緒二十年八月初二日丑刻到

放手增五十餘營，合舊有約八十餘營。購械用三十萬兩左右，將運齊，布置尙密。惟籌澎未滿意，然已排衆議爲之，敵至差可拒。不封口，餉可支；封口則難，非借債不可。已豫籌未

辦。景崧叩。東。

又

光緒二十年八月初四日亥刻到

臺不封口，就地籌財，九箇月、十箇月可支。現爲封口慮，請借洋債百五十萬，批未回；能借華債更好。幸因鐵路所留海防捐約收百萬爲止，已得四十萬，購械賴此。臺喫重爲基、滬、安、旗四大口，最要澎湖。澎、基能保，敵無停泊多輪處，不能困我。惟澎湖懸，易斷接濟。澎失不獨爲臺害，南洋各省俱不安，以敵有巢穴出而擾我沿海甚便，即不得手，有澎可歸，我無兵輪，坐視盤踞。嘗謂敵必爭澎，而聞者不信，事不盡由己，布置終未滿意。基隆口門寬深，易進輪，亦難守。幸由甚至省六十里，有山險可扼。此外港汊多，均宜防。八十營尙非甚密。惟礮臺水旱雷粗備，較昔防法差有把握。倭不仰臺米。臺北米少，尙需外購。淵亭只新募兩營，本日由汕起程，筱帥電奏請飭逕赴臺南。景崧叩。支。

唐藩司來電

光緒二十年八月初七日未刻到

電示呈商筱帥，謂械誠好，惜價貴難購。鈞意良可感云。景崧叩。陽。

致廣州李制台

光緒二十年八月初八日午刻發

電旨令魏光燾募營北上，急如星火。鄂素少軍械，且須辦江防，無從購覓。屢次奉旨飭催，不

能不爲之妥籌。因思粵省軍械素多，除上等精槍外，士乃得最多，改毛瑟亦不少，亦係後膛，粵省不甚重之。祈撥給兩千枝、彈一百萬，敝處當設法領運回鄂，或付價，或還槍。此係奉旨催募之營，部可發款也。否則，奏明係尊處協濟亦好。悉聽尊裁。

再，粵省槍彈局每日可出槍彈一萬數千顆，存儲必多，趕造亦易。務祈飭局迅即撥給毛瑟彈一百萬顆，黎意彈二十萬顆，飭局開價照匯，作爲湖北附造。弟已在外洋訂購毛瑟數千、彈數百萬，訂明徑運廣東省城，兩箇月可到，並無兵險；到時如數歸還，此不過騰挪數月耳。如蒙允許，曷勝感禱。卽示復。庚。

致江甯劉制台上海製造局劉道台

光緒二十年八月初八日午刻發

電旨屢催魏光燾募營北上，急如星火。但湖南並無後膛槍，湖北亦甚少，僅有林明敦數百枝，彈太少。上海製造局此槍素多，江南各營久已不用此槍，祈飭滬局及金陵局查明，如林明敦尚有積存，望撥給一兩千枝、彈一百萬，即當派員往運。似於江南防務無損，而魏軍可一千枝快礮十數尊一營便當十營用矣。

致天津威道台

光緒二十年八月二十日亥刻發

號電悉。我軍水陸皆挫，焦急憤歎！鎮、定二鐵甲，此次臨陣否？倭沈三船確否？或云丁受傷，確否？銘軍、宋軍全調援遼，津防、旅順似太空虛，新募各軍恐到防尙早，殊爲懸系。倭人祕謀擬

向何處？祈復。號。

威道來電 光緒二十年八月二十日午刻到

倭兵十六進平壤，左鎮寶貴陣亡，葉統各軍退守安州，尙恐難支。十八，大鹿島外海軍遇倭船，苦戰三時，致遠沈，經遠火，超勇、揚威擱沙；倭沈三船。現調銘軍、宋軍六千五百人去扼安、義州。宣稟。號。

又 光緒二十年八月二十三日酉刻到

平壤先勝後敗，各軍退至義州。鴨綠江無險可扼，生力軍只有銘部十營。宋去尙早，恐難抵五萬倭兵。海軍只剩八船，尙須大修。倭沈三船，未悉破其精銳否。彼船多，尙敢出來；此後海阻，人械糧餉均須陸行，緩不濟急。宣稟。漾。

致天津吳撫台 光緒二十年八月二十二日未刻發

聞又調銘軍、宋軍東征，老勇愈多，新募各軍有到者否？此時似宜慎固津沽及盛京。倭勢日熾，必將深入。傳相與公意若何？祈密示。養。

吳撫台來電 光緒二十年八月二十三日酉刻到

盛京門戶喫緊，相請派員督辦奉防，未奉旨。激。漾。

致天津威道台

光緒二十年八月二十四日巳刻發

北洋定快船，曾見部咨，係幾船？大小若何？何國所購？何時可到？或云尙未購妥，確否？祈示復。來電言倭爲脅和計；彼妄想甚大，斷不肯和，必須苦戰耳。敬。

致總署

光緒二十年八月二十九日子刻發

聞南省各關有洋人數名已抵上海，欲往北邊投軍。上海稅務司忽接總司電，飭各洋人即回各關，不准投效軍營。查赫總稅司受恩深重，斷無不助中國之理，所以電阻關員報效者，必迫於各國公使謹守局外之議，不敢公然違拗。查各關洋員有熟諳槍礮兵法者頗不乏人，若能就地取材，亦足以資臂助。請鈞署轉飭總稅司，凡在各關當差人員，有願投効軍營者，准其暫行告假，事後皆准回關當差。不必提出洋員字樣，則各國公使無可藉口；而法令出自鈞署，赫德不得不從，可免各公使見責。此事關係頗要，請速酌辦示復。儉。

致俄京許欽差

光緒二十年八月二十九日戌刻發

此時惟購船最急，不添船，瀋陽、榆關危矣。若無現成者，何以前數月北洋奏定快船？想是中變，其中窒礙隱情何在？望確探示，以便設法疏通。足下能向奧、日、義、和諸國謀之否？此事功

在社稷，如有辦法，僕當助公奏請。盼復。豔。

致俄京許欽差

光緒二十年九月初一日戌刻發

稅司言：「南美洲如秘、麥、智、阿諸小國，不拘公法，餌以重利，必可購船，并肯助人」等語。各國使臣、商人有在俄、德者，望與密商，經手人優與獎賞。盼復。東。

許欽差來電

光緒二十年九月初六日未刻到

購船非無船，實難出口，無他故。南美諸國太隔膜，無可辦。澄。支。

致天津威道台

光緒二十年九月初二日亥刻發

旨有「津防緊急」字。倭寇有何確音？天津情形如何？務望速示。新舊已有若干營？總之，若俟劉、余、魏、陳諸軍禦敵，恐來不及；須就現有之營籌備。傳相想已有成算，祈見示，切禱。沃。

致江甯劉制台成都劉制台

光緒二十年九月初五日午刻發

部咨：有鹽務省分，每斤加制錢二文，以佐軍需，軍務一平，即行停止。當經電詢戶部，是否祇就產鹽之兩淮、四川等省而言，抑行銷省分一律加收？茲於本月初四日准戶部江電開：「鹽斤加